



Reglur um niðurgreiðslu Sveitarfélagsins Skagafjarðar á daggæslu í heimahúsum.

1. Sveitarfélagið Skagafjörður greiðir niður dagvistun barna í heimahúsum samkvæmt reglum þessum þegar barnið á lögheimili í sveitarfélagini og/eða foreldrar eru námsmenn með aðsetur í öðru sveitarfélagi og nýta sér daggæslu í heimahúsi þar.
2. Dagmóðir verður að hafa leyfi samkv. reglugerð nr. 907/2005. Félags- og tómstundanefnd getur þó í undantekningartilvikum veitt undanþágu þegar um er að ræða niðurgreiðslu vegna au-pair starfsmanns eða náins venslamanns (“ömmuleyfi”) þegar hagsmunir barns og fjölskyldu mæla sérstaklega með því. Fer þá samkvæmt sérstökum verklagsreglum sem nefndin setur.
3. Við upphaf gæslunnar skal sótt um niðurgreiðslu á þar til gerðum eyðublöðum. Eyðublöðin liggja frammi á Fjölskylduþjónustu Skagfirðinga í Ráðhúsinu og hjá dagforeldrum í Skagafirði.
4. Allir foreldrar þurfa að endurnýja umsókn um niðurgreiðslu í september ár hvert og/eða ef mánaðar hlé eða lengra verður á gæslunni, ef skipt er um dagforeldri eða ef gæslutími breytist.
5. Daggæslugjöld eru greidd niður 11 mánuði ársins. Ekki er niðurgreitt fyrir börn af leikskólum sem dvelja í daggæslu yfir sumartímann.
6. Upphæð niðurgreiðslu miðast við þann vistunartíma sem foreldrar kaupa í daggæslu, að hámarki 8 tíma daglega. Upphæð niðurgreiðslunnar fyrir foreldra sem eru giftir eða í sambúð er kr. 244,- fyrir hverja keypta klukkustund, að hámarki kr. 42.909,- á mánuði og fyrir foreldra sem eru einstædir eða bádir í námi er upphæðin kr. 307,- fyrir hverja keypta klukkustund, að hámarki kr. 54.102,-á mánuði. Niðurgreiðsla verður þó aldrei hærri en sem nemur mismun á heildargjaldi vistunar hjá dagforeldri og í leikskóla (gæsla, kostnaður og fæði).
7. Foreldrar staðfesta umsaminn dvalartíma með undirskrift sinni á skráningareyðublöð eða á reikning frá dagforeldri. Kvittun frá viðkomandi dagforeldri þarf að berast til Fjölskylduþjónustunnar fyrir 20. dag hvers mánaðar.
8. Ekki eru veittar niðurgreiðslur aftur í tímann, jafnvel þó umsækjandi hafi átt rétt á þeim en ekki leitað þeirra. Fjölskylduþjónustan veitir upplýsingar um skilyrði niðurgreiðslna og önnur atriði sem máli kunna að skipta og veitir umsækjendum nauðsynlegar leiðbeiningar og aðstoð við gerð og frágang umsókna. Umsækjandi skal gefa þær upplýsingar sem nauðsynlegar eru til að staðreyna megi rétt hans.
9. Systkinaafsláttur er samtengdur milli daggæslu hjá dagforeldri, leikskóla og/eða skólavistun, skv. gjaldskrá leikskóla/Árvistar. Til að njóta systkinaafsláttar þurfa börnin að vera skráð á kennitölu sama greiðanda og með sameiginlegt lögheimili.



10. Niðurgreitt er með eftirfarandi hætti fyrir börn fram að þeim tíma er barni býðst leikskólapláss:
- Fyrir börn einstæðra foreldra og foreldra þar sem báðir aðilar eru í fullu námi getur niðurgreiðsla hafist um mánaðarmót eftir 6 mánaða aldur barns.
 - Fyrir öll önnur börn hefst niðurgreiðsla um mánaðarmót eftir 9 mánaða aldur barns.
 - Hafni foreldrar leikskólaplássi fyrir barn sem orðið er 18 mánaða helmingast niðurgreiðslan og fellur að fullu niður eftir 24 mánaða aldur barnsins.
 - Ef um sérstakar félagslegar eða heilsufarslegar aðstæður er að ræða er hægt að sækja um undanþágu frá ofangreindum aldursmörkum til félags- og tómstundanefndar.
 - Fyrir börn sem vegna fötlunar sinnar þurfa sérstaka umönnun og taka því meira en eitt pláss í daggæslu er niðurgreitt samkvæmt reglum þessum, ásamt því að greitt er fyrir það pláss sem ekki nýtist. Ákvörðun um tímалengd sem greidd er vegna sérstakrar ummönnunar er í höndum sviðsstjóra Fjölskyldusviðs.
 - Dagforeldrar fá niðurgreitt með eigin börnum samkvæmt reglum þessum, að hámarki 8 tíma daglega, virka daga. Niðurgreiðslu skal miða við dvalartíma þess barns sem lengstan vistunartíma hefur í daggæslunni. Ef börn dagforeldra eru í leikskóla dregst dvalartíminn þar frá.
11. Verði aðilar uppvísir að rangfærslum við tímaskráningu barna vegna niðurgreiðslu á daggæslugjöldum getur það leitt til svíptingar leyfis til daggæslu og/eða að niðurgreiðslur falli niður.
12. Félags- og tómstundanefnd getur samþykkt frávik frá þessum reglum í einstökum tilvikum ef sérstakar aðstæður eru fyrir hendi og fyrir liggur faglegt mat Fjölskylduþjónustunnar.
13. Ákvörðunum Fjölskylduþjónustunnar er unnt að skjóta til Félags- og tómstundanefndar.

Samþ. af Félags- og tómstundanefnd 8. júní 2016

Samþykkt á fundi sveitarstjórnar 29. júní 2016